

1972 - XI - 24

Donostian, Gipuzkoako Diputazioan, 1972ko azaroaren 24an, goizeko hamaiketan, Villasante, Haritschelhar, Arrue, Diharce, Erkiaga, Irigaray, Irigoyen, Lafitte, Lojendio, San Martin, Satrustegi eta Zabala euskaltzain jaunak barne-bilkura berezian batzartu dira, Euskaltzaindiaren kargu berritzea gai bakartzat delarik.

Etorri ezina agertuaz, beren bozen poderioa emanaz idatzi dute ondorengo jaun hauek, Dassancek Lafitteri, Eppherrek eta Larzabalek Haritschelharri, eta Mitxelenak Satrustegiri.

Aita Intzakoaren gutun bat irakurri da, ezin etorria adieraziz eta eguneko gaiari buruz zenbait ohar agerrereziz. Villasante Euskaltzainburuak, eman zion erantzuna irakurri du.

Ondorean, beste gabe, araudiaren arabera, bozetara jo da.

24tik 16 boto daude. Lehen aldian 24ren erdiak bat gehiago behar dira maioria hornitzeko; baina bigarren aldi baten gehien ateratzen duena, beste gabe.

Burua hautatzea

Lehen aldia:

Villasante	— 12 boto
Erkiaga	— 1 “
Irigaray	— 1 “
2 hutsak	

Bigarren aldia:

Villasante	— 12 boto
Lojendio	— 1 “
3 hutsak	

Buruordea hautatzea

Lehen aldia:

Haritschelhar	— 15 boto
1 hutsik	

Idazkaria hautatzea

Lehen aldia:

San Martin	— 12 boto
Irigoyen	— 1 “
Zabala	— 1 “
Erkiaga	— 1 “
1 hutsik	

Bigarren aldia:

San Martin	— 10 boto
Irigoyen	— 2 “
Erkiaga	— 2 “
2 hutsik	

Diruzaina

Lehen aldia:

Erkiaga	— 13 boto
Irigoyen	— 2 “
Lojendio	— 1 “

Ondorean laguntzaile berriak izendatzeaz hitz egin da. Araudiak 38garren artikuluan dion bezala, aurrez idazkiz aurkeztuaz.

Besterik gabe bukatu da batzarra.

Euskaltzainburua
LUIS VILLASANTE

Iduzkaria
JUAN SAN MARTIN

1972 - XI - 24

Donostian Gipuzkoako Diputazioan, 1972ko azaroaren 24an, arratsaldeko lauretan. Bildu dira: Villasante buru, Haritschelhar buruordezko, Arrue, Diharce, Erkiaga, Irigaray, Irigoyen, Lafitte eta Satrustegi jaun euskaltzainak; Borrojalbiz, F. Setien, Garmendia (Jon), Garmendia (Salbador), Intxausti, Kintana, Lizundia, Loidi, Ruiz Urrestarazu eta Zata-rain jaun-andere laguntzaileak, San Martin idazkari dala.

Dessance, Eppherre, Larzabal, Lojendio, Mitxelena eta Zabala jaunak ezin etorria adierazi dute.

Ohi den otoitzarekin hasi da batzarra.

Euskaltzain buruak Satrustegi jaunari, batzarkideen izenean, dolu-minak eman dizkio aita hil zaiolako. Bestalde, Satrustegi bera eskertzen da *Euskal izendegia* liburuxkagatik, eta berdin La Vasconia diru-etxea dirua jarri duelako. Euskal izen hoiek juzgaduak ontzat har dezaten Dirección General de Registros Civiles-era eskaria egitea erabakitzen da.

Urrileko agiria onartzen da.

a) *HAR-EMANAK*:

Arrasateko “Danok” elkarteak geroagorako uzten du abendurako pentsatua zuen euskal astea. Arrazoi honegatik, han emateko ziren euskarazko irakasle tituloak urtarrilean Elgoibarren Urruzunoren omenez egingo den bilera irekian emango dira. Bilera ireki hau urtarrilaren 28an izango da; P. M. Urruzunori buruzko hiru hitzaldi laburrekin, bere garaiko giroa, idazlea eta gizona: Arrue, Zabala eta Etxaniz (Urruzuno zenaren iloba) jaunak hizlari.

Arabako Foru Diputazioak, 1972. urterako 25.000 pesetako emaitza egiten du Euskaltzaindiarentzat. Eskerrak eman bekioz.

Abenduko bilera Bilbon izango da, hilaren 29an.

Euskerazko irakasletarako aurtengo bigarren deiko esaminak Eibarren izango dira abenduaren 30ean, Donostiako Caja de Ahorros Municipal-aren etxean.